


丁戌山人詩集

與今稿

三



漢書門			
一〇四二	四	類	
一七二	函		
一	架		
四	冊		

內閣文庫			
漢	一〇四二	四	類
書	四	冊	
	函		
	架		

內閣文庫			
番號	漢	10424	
冊數		4	(3)
函號		313	28


共四



粵吟稿卷之一



淺草文庫



劉望洋將度庾嶺戲贈李冬二日

君曾誤入天台路此去梅關路轉賒馬上紅梅須細認莫疑顏色逐桃花

送前侍御南衡童君赴廣藩佐幕至南安夜別
三晉罷衣繡十年仍此行艱難度瘴嶺憂患似邊城
且隨蚯蚓水莫厭鷓鴣聲到日知安枕能無夢友生

余要

與望洋南衡望平園諸山同賦并酬留別之作
錦作奇峰帆勢來霧窓霞簾柁樓開因之我欲還蓬
島為寄金芝石上裁

彈子磯感烏成咏

官舟邏卒帶刀齊落日愁消彈子磯可道君庸舊年
事憑誰用此一丸泥

清溪寓目

飄泊僊踪不自由清溪已得數番遊雲裏亂峰懸

屋沙邊片石隔漁舟

湏陽峽答南衡

英州西下湏陽峽十里青山中自開亂石故穿雲霧
出飛濤時逐海潮回偶陪身服乘遊舸未把漁竿上
釣臺此地向來多謫宦知君不畏暮猿哀峽有釣漁
臺

冬日瑤石山房宴集聽雅遊社中諸君談玄賦

此因以荅贈

別離三載內宴樂一尊前衰年忘守黑清世好談玄

地煖花全動庭昏雨半懸空餘落魄意常得故人憐
甫泊舟珠寺遇瑤石自海上回便作詩見贈率

爾相答

素髮梵緣皆贈詩中語

白髮難相却浮生久自知天邊吾老矣海上爾何之
悲喜一時集衰榮萬事移徒云梵緣在誰覺是禪師

羊城再與南衡別

送送竟來此憐君憐更憐之官為慈母訪道接飛仙
碧海微垣對丹砂葛井連逍遙誰得似暫爾各風烟

瓢仙歌冬夕黎子館贈別易道人

三入五羊城一宿招仙館五仙騎羊去不返忽遇瓢
仙歲云晚腰間一瓢盛五烟破衲垢面眼向天杖頭
不掛一文錢但見紫霧生虬髯昨來廣州遊鬧市兒
童拍掌喚痴顛問之不笑亦不嗔只言我是武陵人
生來便覺世齷齪清淨欲了前身因十五棄家叅列
仙二十養道棲巴滇鼎降龍虎細於線口嚼天地軟
成綿而今年纔三十八曾經幾醉蟠桃前聲名從此

動大地况結黎家好昆季談玄作畫兼賦詩貴人設
榻爭迎致我聞瓢仙非一日海畔不謂還相識等閒
便為畫幾筆能使畫師皆自失彷彿圖中聞雁聲神
魚三十六鱗成自應騎上青天去那記人間離別情
晦前三日同劉望洋童南衡過五仙觀赴廊鶴
舒吳蘭皋黎瑤石昆季林崧臺梁見池七君
招飲
客思依風土年華駐洞天杯承霞色滿花愛日光偏

大藥塔前穗靈源石上泉正須同宴賞况是舊群仙
羊城戴第客館歲除予遊江湖二十年来僅得
有此志喜一首

每為除夕客難遇故鄉人此夕心應慰他鄉意轉親
糟盤薑笋細添碗飯羹新更喜明朝事桼榔欵上賓
元日簡望洋南衡

自別吳山去獨遊千里身誰知元日至俱作異鄉人
霄漢憐才子風波悵逐臣無言嶺海外花柳亦芳春

陪南衡宴海珠寺

綉衣天上客珠寺海中風日邀絲竹魚龍擁珮環
枕櫂雙樹古猶徭一僧閒誰道蓬壺遠滄溟指顧間
慰黎紫峰喪子

何以斷金友而為隕玉悲哀惟心死大恨勿子生遲
癯卜還知過蒙莊豈寓辭莫教明鏡裏時有髮如絲
人日寄謝李黃門潯岡李戶部青霞二公招飲
別墅予以是日清齋且抱疴不能從

仙李蟠根奕葉長黃門畫省有輝光弟兄階陛聯鸞
鷺賓客雲霄集鳳凰敢為清齋嫌肉食祗緣衰病負
登堂殊方此日尤難得空羨歌鐘雜舞觴

江行值雨覓寄望洋

霧雨深重嶺江風急亂濤晚來愁一簟寒至念同袍
有客談仙劍何人釣巨鼈言歸在元夕預報買香醪
寶陀寺與南衡登妙高臺遣興

海上靈洲鬱水廻客中春日迫登臺沾衣花絮吹難

去乞食龜龜喚欲來高低曲磴穿芳樹寂淨閒房滿
綠苔共信此中堪出世鄉園何用首頻回

予昔棲寶林蘭皋吳兄先施書問再入羊城復

承懷寄興言神交輒成鄙句

吳詩有髮任雪
侵曹溪訣雙壽

林等句

與君初未識千里惠佳音道氣蘭同臭交情海讓深
只今殘歲夕又得白頭吟倘學無生忍相期入寶林

咏鶴臺贈鄺子鶴舒

白雲臺上鶴本是列仙禽片月同高格千峰到遠心
舞應存故態鳴豈為知音終向蓬山去令人思不禁

寄酬歐大崙辱贈詩中以茅君桂父見况予何

敢當因以荅意

桂父茅君俱有道仙名何意落人間共傳一夕登天
路又說全家住海灣佩劍已教龍躍去啣書未得鶴
飛還聞道故人本真侶因風試訪大崙山

元夕與雅社諸君宴集大司成泰泉黃公私第

分韻得流字

粵城燈火接瀛洲
鼇背神山駕綵樓
百寶花偷芳夜
吐九龍珠透爛雲
流風搖蘭蕙香芝
佩月射蕉櫳影
桂甌况侍玉堂天
上坐何須華國夢
中遊

又作得並呈諸君蕪寄遊

千燈綺陌艷春辰
四座瓊裾照席珍
翰苑詩誇黃閣
老醉鄉侯忝白雲
入攀松不覺烟
携袖倚竹從教露
滴巾却憶十洲
今夜宴衙盃應
念客邊身

謁南海神祠記事長句並答南衡見示諸作

龍宮白日飛烟霧
唐碑漢鼓波羅樹
由來三物動千年
却喜四時同一處
鼓面五尺臍隱隆
文理密過周
天數蝦蟇十二僅
一存翡翠綠漫銅
色暮宋元豐碑
半不完昌黎雄文
獨如故庭中古樹
兩波羅翠蓋亭
亭對撐駐未逢斗
實子如栗空想青
皮形若瓠昔者
伏波鑄鼓時先聲
直徹交南夷年深
反與盜竊弄樹
也定為神傷悲南
衡山人謫嶺表直
諫自可追昌黎

平生學道信有得萬里忘家寧復疑摩挲韓碑擊銅

鼓海若隱見揚旌旗采芝爾切安期引倚樹予深達

磨思終看結果波羅蜜共把雲中雙鶴騎波羅相傳是達磨弟

達奚司空所植

寄林一齋藤縣人棄官訪道時在田州

明時何事棄儒官為愛家山好鍊丹誰道葛洪仙共

久青天當見爾駭鸞

送陳廣文還長樂兼訊其弟子述

筇管相逢忽別筵鄉園遙指海雲邊為語季方吾老
在栖栖猶自遠尋仙

其二

送客炎荒萬里程鬱蒸江上倍離情開帆願似吳航
渡直到門前潮水平

寄秋崖時在田州

近得羅陽洞裏書客途安穩慰離居涼風想動歸槎
興無限滄溟好釣魚

田洞郊彘遠俗塵惟憐圖史日相親種瓜不為生涯
薄看竹從教物態新馬上長驅終報主山中高卧且
藏身閉門肯厭遊仙客茗碗蔬盤每率真

次韻黎子國正

共羨才華遊泮水獨憐身世阻皇州逢人四海還青
眼舞劍三杯尚黑頭未入桃源迷漢晉聊開竹徑待
羊裘江干漸喜風塵淨擊楫何當萬里流

三月三日同半農兄弟三透明巖

遊巖土俗本喧雜載酒我輩何嫌猜竅天直引日月
下穴泉倒湧江河來松間迴翔鶴不去石上向背花
爭開莫言此地易興廢一醉萬物俱塵埃

遊巖明日廼知白面之勝歸途迂龜嶺趨波羅
村未至路迷無可詢者茫然北首崎嶇亂石
間六七里見洞門錯認白面在是下馬坐洞
中明處酌數杯童子乃張炬導入幽暗諸景

身以和
卷之一
見前初不知其為紫霞洞也洞在塘陶畝人
皆不知其名歸以質諸樂耕黎翁具道所以
夫半農土著賢士也父知而子不知何況生
客賢士不知況於他人予好遊知勝而不知
非真樵豎知真未必能知其勝山靈自知真
之與勝復不能告人以迷與錯焉世間一切
事類如此惡所用心邪爰作此詩發笑同好
隨處問迷人落落亂山無徑石巉巖貪遊傍眼紫霞

洞錯認經心白面巖一炬暗中開混沌數杯醒後失
塵冗日斜休更愁回首老馬迢迢能自諳

觀唐權州夫婦造大沙橋

孟秋大沙橋聿成跨水不復愁人行白河雲淨烏鵲
見青山雨過虹霓明七襄皎皎度靈匹駟馬飄飄來
長卿無數岸傍新種樹千年誰識預扶傾

周一石太守自思恩以詩見懷次韻答之

幾年小郡枉真才到處群黎詠有萊何意半生滄海

別帛書迢遞及山隈

高峰嶺小憩

高峰路入火雲間馬首昆崙近可攀自是當時能置
驛敢言康樂慣遊山

思恩郡齋漫贈一石

使君開府蠻中地統郭高山青映人肯謂荒涼縻歲
月惟將清靜繫軍民堦前慣見猿猱熟市上驚聞虎
豹馴未午休衙是常事詩篇圖畫寄心神

暗山道中寄呈一石

亂山盤一徑衆水仗無門谷助猿聲響煙籠馬色昏
息陰遙問樹具食偶逢村今日來遊意祇堪許靖論

黃旛嶺

自昔黃旛嶺群醜日相尋宣威名未遠禦暴意徒深
瘦馬遲荒坂哀禽急暝陰倘非今渤海誰不戒中心

抵舊府作

岑君寂寞又層城猶自雄山谿界內險耕織民間同

泉溢留官井垣顏泯學宮誰知膺累勅廟食仗村翁

觀獵

遊畋臨大暑逐鹿試兵符捷足高低據先聲遠近呼
竟從馬上得而無林中虞日暮歡歌歇雕弓掛酒壺

觀獵歸遂登學前峰尋仙岩小酌對雨

平野獵歸風色暮竒峰迴處石門高穿岩村老多燃
炬供酒狼家盡帶刀雲氣乍飛山下雨松聲遙捲峽
中濤不堪仙竈埋幽草極目丹崖心獨勞

獅子岩席上賦懷用荅一石留別之作

鬢髮多年白滿頭九身誰道屬丹丘欲憑混世超千
劫故學遊方遍九州勾洞偶緣求作令番城何意爲
封侯一杯今日岩中別山樹青青水比流

山行聞邸報有懷山西方伯趙侯齋趙嘗謫福寧州判與予遊焉

虜騎久傳驅漠北使車猶報駐山西當年逐客同杯
酒此地遊仙獨杖藜馬市準收千里駿鴈門休請一

九泥欲知別後菟裘計瀑布峰前茅屋低

六作圖

岑翁招我看新畫海貝裝軸牙作籤漢匡唐邊式度
雅青塗綠抹作料鮮翁言此圖是六作人情物態能
兼全松堂掛壁清四座墟市論金值萬錢不疑十洲
移海上祇見百工居眼前四時花木互枕藉一望江
山多接連樓臺盡日含清吹洲渚經年積綺烟畫師
不欲摹舊本創寫好事令流傳中有儒冠大人者經

綸家國誰能先心聲自敲琴同靜性地常磨鏡似圓
尚父乃自漁翁起相道還從梓人理補衮天機猶織
女調元靈藥那醫士飲酒元因作麴藥讀書豈為干
青紫買臣負薪安尚哉公麟蓄墨徒為爾寧云觀獵
動初心堪笑食豨消習氣耕田願作堯舜民牧羊羞
稱臧穀氏雖然擊楫利涉川畢竟買瓜防納履乃知
天縱大人身百工之事所為備世間粉繪何其多翁
獨愛此良有以我生百事不如人惟應滅迹烟霞裏

送思恩周太守入覲兼奏績

郡齋往歲共逍遙客舍經秋幾寂寥
露冕喜看趨紫陛星槎愁送入丹霄
千艘海寇誰飛將萬國山呼自聖朝
朝罷還聞親奏績好攄韶畧慰漁樵

秋雨平馬江行遇田州督備柳城徐君留酌賦

詩約遊老君洞云是第一真仙之所

將軍文藻近誰如白舸青尊識面初
說劍縱橫掣霜電聽詩展轉出江魚
名山百粵爭誇柳中論千年可

屬徐不道素心甘遜客洞天翻愧未移居

登田州譙樓寄懷前守備蘭溪張子張橫槎人
已見乘槎上漢津忽聞辟穀返柴荆豈違壯志忘西
域祇抱遐心戀五城日月尚懸新領勅龍蛇空繞舊
屯營高樓歲晚愁相望况復三吳苦用兵

太平節推從野羅君招予入陀陵山中觀鑿渠
墾田畱榻踰月因載厥異于詩

陀陵江邊新墾營鑿渠挽江千丈行銅蝮雙躍山骨

裂石鋏疊出鬼火縈神物入眼莫驚詫農皇引手何
分明使君好聽民歡頌壩水東流無盡聲

山中別築奉贈從野羅君

樹密雲深迷翠巒羅含歲晚卜玄壇丹方隨地收靈
草皂帽何人識上官夜半每依松下禮朝霞獨向壑
中飡因君忽動多年興重整仙衣戴道冠

元日墾營與宋竹橋小酌

山瓶土酒對君揮殘臘餘寒隔夜歸逝水却留新石

堰停雲祇戀舊柴扉數年瓢笠尚行樂幾處干戈未
解園劍器刁圭何所用但隨芳草向春暉

十三日感谷巖有懷周思恩

穴徑清深趨谷底巖扃瀟灑次江干岸容花色乘春
麗水氣雲陰當晝寒祇向蛟龍爭窟宅難隨鷗鷺戲
風湍却憶好遊周太守題詩還與故人看

白雲洞元夕宴賞呈竹橋諸同游

壺闌春色繞山川元夕晴光溢洞天勝跡忍聞仙蛻

徒閒心欣覩聖燈傳厓懸碧石含鍾磬竈落丹泥帶
汞鉛欲至帝鄉還自信片雲孤鴈酒杯前仙輓聖燈
皆洞中故事

遊雪濤岩岩本青雲洞從野易以今名

馱廬山北青雲洞洞裏如同弱水翻勢奪波濤長獨
湧氣吞冰雪倍多寒扃迴似厭了峰對石巧能留隱
士看作意來遊春未晚野僧猶寄蕨薇盤洞前有了
磬峯

龍通岩去唐揖川上舍田廬百武邀陪從翁為

亘日之遊

十山九山中自空大巖小巖遙相通携筇逐賞一日
遍展席交歡千里同陰苔礙衣漬深綠石髓滴杯凝
淺紅昔人仙去皆帝力眼前靈草徒茸茸

題唐君村居屋壁

寄迹江村遺俗情短墻門巷逐年成竹攔盡見浮烟
態草屋稀聞驟雨聲泉上豢魚知就食巖中藏犢聽
呼名躬耕正是春來事蔡澤何須問一生

酬宋子

方外論交幾歲年
水南水北數留連
深藏竊羨青雲器
寡和徒勞白雪篇
江海此生元自放
燕鴻何意近
聯翩已趁虛舟當
夜發思君惟見月
娟娟

遊夢仙真洞詩

越新壩里許山顛
有古洞雖土人猶
未之知去臘二十
又五夕予忽夢遊
其中見一人請以
聚霞名洞一人不
然請易以枕席烟
霞明

日果有所見恨未
能登比是太平邵
稚沅陵羅公廼刊
穢治遊靈境炫目
中有二三石宛然
異人狀殆真仙洞
也已公題以今名
限韻各賦詩同予
遊者郡上舍宋子
可為丙辰二

月清明日

洞中曾向夢中行
猶記仙人乞洞名
峰磴萬尋竒樹擁
石天五色卿雲橫
烟霞枕席從吾好
真幻形骸信此生
更得使君傳秀句
異時吟對倍含情

其二

七峰高束天門險一徑低穿地井平山氣亦知當漏
洩風光况值是清明仙君羽客何年化翠壁丹厓有
路行劍鳥求閒猶未遂尊前空聽鷓鴣聲

宋子携二何門生拏船從遊馱合山水甚適更

約中秋繼此乃賦詩焉

漢陸夷徼江初合小艇微風日半曛上已移杯逢勝
友中流擊楫羨郎君千厓石混丹青障兩岸猿分白

黑群擬到清秋同不負細看羅月影紛紛

鷓鴣峽間有白頭黑身二種猿對江里許永不
同群亦異物也

次韻奉酬從野君

爐中未試丹九轉雲裏曾遺書一編衛道尚慙脩苦
行遇人那忍秘真傳神明觸處思幽贊眷屬隨方認
宿緣此別勿勞嗟倉卒從來七日是千年

山中次宋子韻述懷兼留別

欲攀海上蓬萊樹又拂山中薜荔裳不道青童来接

引會因黃鶴去翱翔九莖芝秀元孤立一幹蘭幽只
自芳仙術更端誰信得壺公會試費長房

贈松軒葉尉

葉知醫

爾尉隆安縣三里一孤城幕以蓮為貴軒應松比清
懷親雙白髮施藥幾黃精予久忘桑梓因之動旅情
隆安縣遇半農黎子遂並入田州得二首

憐君多難後故作泛江來數日勞相望三春喜並回
岸荒饒菰葦峽暗密雲雷擬叙經年別無辭濁酒杯

其二

重過蓮子峽恰對賞心人霞氣留孤壁鶯聲隔亂筠
鱗柔魚不避杯靜蝶相親無復能淹滯舵山興轉新

泊觀音巖

倚棹佛巖畔蒼蒼山四齊亂流看懶起徹夜聽鶯啼
遠思憑雲水餘生寄藿藜祗嫌春夢濶猶度玉門西
巴定峽

一路行來好長江忽若窮却因當面嶂翻使打頭風

蛤蚧聲中老紅霓色外空晚晴堪獨坐何意見歸鴻

蛤蚧土人數其聲多寡以為年數至十二聲則其年極老矣

歸德果化二州

土人呼龍眼為選眼食酒為良醪

土州聯德化墟店散江隈選眼連村樹良醪何洞酋
無論上郡轄合向野人求三輔今戎馬聊因賦遠遊

白髮

白髮烟波叟青春日夜舫晴沙粘水蝶暗草漾風螢
實信江如酒虛疑客有星芙蓉不可見處處柳條青

上林縣

斜日上林縣掛帆風正調蒼山漸覺少綠野轉看遙
劍氣扶衰颯夷歌送寂寥何須問前路兵燹淨工堯

工堯

大軍曾駐此一夜剗夷營反覆當年事徘徊過客情
土人知戀主王者罷加兵欲往尋遺壘春風芳草平
過婪鳳望戴公新墳

少壯功名老壽終高墳新起遠山中誰言避世少相

識此地何人不戴公

宿舊州有懷唐蘭窓

想君琴罷復高吟此夜那聞海客心明月滿空江似
雪孤舟何異在山陰

信川蘭窓半農三君聞予尚維歸德因走使餽

物至望西相值使歸口號奉謝

江湖何處不通津消息遙傳却未真不是鷓鴣能苦
叫何由瓜豆得嘗新戴餽鷓鴣瓜豆

其二

籠鷄罌酒出田陽雨夜風江到客航未忍殺鷄聊酌
酒故人風味耿難忘唐餽雞酒

其三

失火厄憐貧士極異糧憂為老夫深因推香粒江魚
食共見平生一片心黎餽白米

雨中觀響水

江行肯信猶塵土是處還堪醒晝眠大雨繞山催響

水瀑花春地作飛烟

其二

級泉千古匡廬山岸切響水誠等閒物理若將奇比
並飛流端亦出入間

將至田州二絕句

李蠻寨下相思江昔別臨流洗玉觴不信先知是此
水又浮花片引仙航

其二

山頭隱隱黎翁墓想見生前步若飛龍杖早時同渡
海仙函從古只藏衣

中秋山館送李君還富州

中秋劍珮逢佳士永夜杯盤祗糲餐作客羨君遊萬
里尋仙老我住層峦休驚白羽徵兵急且盡清樽對
月歡此別正當鴻鴈候飛槭何日下雲端

金陵篇為巡宰古坡黃君題畫

金陵佳麗帝王都虎踞龍蟠天下無揚子潮迴朱雀

橋秦淮浦通玄武湖形勝從前跨江左風光那更說
姑蘇千秋事跡難枚數一旦舖張入畫圖鐘阜四時
多紫氣王階金闕丹霄麗畫言九域來王時又是
高皇垂統地鳳凰城舒里百八虎豹關嚴門十四千
門萬戶九衢交六部五府百官侈富貴榮華不可當
三春垂柳復垂楊管絃曲帶鈞天韻羅綺衣牽
御苑香連雲快覩功臣第聚寶爭穿回子廊若箇金
元豪俠客若箇珠纓艷冶娘亦有真冠兼善衲報恩

無比琉璃塔神樂音和匹韶護大祀壇穹儼闔闔金
鑰引開舊內門銅儀秘守司天閣六館燈光曉星澹
十廟鑪薰晴霧還燕子還看巷口飛桃葉不聞渡頭
接三十年前我壯遊九千里外今衰颯洞宮鳳臺歌
月明鷄鳴牛首聽鶯聲銜杯不復興亡恨隱几惟多
感慨情憶自 文皇拓燕邸應留此地作周京朝夕
尚進 太廟膳中外猶團侍衛兵紀綱法度一整肅
府庫倉庾俱滿盈 列聖相承重根本諸老誰敢輕

紛更 山陵王氣永不散歷邁殷商黜炎漢恢恢

帝里兩京同蕩蕩 王輿四海晏詎分倭奴近侵逼

致使土兵遠禦捍內帑金銀消耗多馮翊人民殺傷

半黃宰田陽老總州調征得遂金陵遊偃旗瀟灑盧

龍觀繫纜徘徊白鷺洲 明時全盛何須慮六朝偏

安那足伴不信但看圖內景卿雲依舊捧 龍樓

冬日林子厚吾自閩訪予田陽

夷君度日掩閒門歲晏承君話故園僕病自堪炊脫

粟天寒同得負朝暄烏山一望傷新冠白首初聞斷

遠魂吾土年來尚如此此身飄泊不須論 丁巳三月九日倭奴

寇我會城城南焚掠殆盡殺擄不數此數百年所無事也傷哉

梅峯歌於田陽送林厚吾還家

田陽無雪還有梅地煖仲冬花盡開君來殘臆傍青

春不見梅花喜見君君家住近劣崩峯峯頂竒梅到

處聞靈根云是仙所結護枝常有數重雲倒影遠拂

扶桑崖海若吹濤上鐵幹一花一實不易成似與蟠

桃耐為伴憶昔探梅排石室五更卧看峰頭日燭龍
噴火催成熟高枝標實驚人目田陽開早劣崩遲遲
早由天誰盡知君歸拾實慰平生調鼎還堪比雉羹

初春有贈田州吏目謝君

雋都人

鄉舸冬行贛水難郡齋春對粵峯寒蒼生日望彈冠
起夷俗天教入幕觀蒿徑辟墻全吏隱竹虫訝菜足
儒餐亦知寸土歸王會肯負多人覩漢官

漢許靖欲
往交趾以

觀夷俗田州出竹小虫以油燂之耐咀良羹土
人稱為官味又採食樹芽名曰芽菜亦佳脆二

物出冬春時

三月三日瓦巡檢忠招遊坎砦山莊省田試獵

時有鄰州聲息座上呈諸君

山花樹樹木綿紅駐馬開樽碧草中南海獻犀猶漢
日北原舉趾亦幽風氣銷遁幕看栖鳥聲滿行厨報
射熊大宛樓蘭豈吾事歸心久已逐冥鴻

白衛揮大聲自思恩守備遷建寧行都司寄贈

此作

龍驤燕領遷官早雉麥鶯花別路長南粵旌麾指閩
粵思陽雲樹接田陽長平會遣坑倭國丁令應忘歸
故鄉豫愛投戈只尋樂紫霞洲上日壺觴紫霞洲是文公祠處

留別田陽諸君長句

三年重来續舊遊兩度別君皆孟秋欲行且止還復
休其如諸君每見留情深似水倒西流挽却離人東
下舟餞筵翻作日高會客舍那知月再適初番告別
暮春時笑言仙果盡垂枝山人既少梁肉分好食新

偏桃荔枝龍眼豈期就樹啖抱杖祇今當遠辭憶來
桂管為岩恋久住田陽得恣看看罷他山不足觀君
亦時常興不闌雕鞭駿馬潔肴饌名山何處無杯盤
題詩預選石厓鐫句法不嫌相譏彈俗人頗訝遊入
感我輩獨肯坐在欄避堂下榻今有執迎徐舍蓋愧
非材兒童慣識張傘來布老權州黎秀才行厨草惡
亦具進坐席偏正不安排綠芽曹父體愛客汲水負
米爭炊柴松泉長者惠多及古坡巧人懷甚開月中

茶甌樹下杯一月邀歡九數迴怕何若馬富不驕打
魚捕鹿遠相招黃齋二君物外標一談風水神飄飄
指山畫谷非一條更喜葵橘兩明醫示我深山靈藥
苗養生送死事應大撼龍針虎術豈妖土俗古稱禮
尚厚諸君近覺情益饒遨遊舊載換新載瀟灑今朝
忘明朝往來今人住不厭感嘆在心思久要十二樓
開次五城青天南外是蓬瀛縱然會匿壺中影猶戀
山陽笛裏聲

唐公舍予公堂庶幾有曹相國之誼上
人呼岩為感至為欄小童為綠芽大者

為曹父曹父讀作走布

七夕谷富陽

巖寨路蟠蒼壁險邦君家住碧雲深一官印佩從民
望千里書來慰客心骨肉竟無邾國矢膏肓應有越
人針関山望裏元相接想共星河此夜陰

秋日興懷往事眷言思歸四韻

尚子早懷尋五岳元公終志卜嵩丘鹿臺馬嶺知相
信女嫁男婚得自由幾載未成前輩事一身徒免俗

入愁秋來老至催鄉思歸傍柴門對海鷗

答李君

上林群盜攔江富陽爭地

予懷朗上江偏阻君在滇中路亦難對月空教倍岑
寂看山何計再盤桓鄉園海外天真遠客舍秋深露
欲寒聞道拂衣將覲省過庭知慰日斑斕

贈梁南屏

有客曾說南屏山萬壑千峰一徑閒羨汝身栖翠微
頂更誰人到白雲間雅歌只與鶴相和清影長隨月

共還遙想定多青桂樹樛枝擬約八公攀

用韻答陸地總目戴君見贈之作

土稱致仕曰陸地

半世空虛寸志成十方飄泊一身輕投林月落聽猿
伴守雪山開趨虎行貧極聖僧常記念住深賢士僅
知名看君亦似醫王種腕屣多年採藥情

戴氏世醫

戊午中秋田館午叙待月作答諸君

江城連日報兵來旅席中秋傍午開朗月吐華終可
待浮雲結陣不須猜菊邊呼酒盞堪泛蕉下尋詩葉

任裁幽興固知常自發佳辰能厭久相倍

寺中送僧了元歸蜀

袈裟着破却還家西望峨嵋去路賒我亦陀頭今握髮送君重對佛前花

過戴園池食爍蜻蜓呼為官味果美因憶少陵

蜻蜓立釣絲之句懷我舊磯焉

偶為狂士別漁汀長向殊方作客星未遡瘴流迴舩艤且知官味食蜻蜓身無異術頭應白秋入名園草

自青竟日過從閒酌酒一杯誰道是飄零

書館瓜期詩

久假田館日處竹樓隙圃種瓜盈架可悅及秋將別以去二三友朋觸物興離屬題成咏老懷曷已用報此章

假館經年息薄遊種瓜移日散窮愁豈緣結實催除架欲倩牽藤助放舟懶慢客心猶學圃蕭森秋氣况登樓古來連管誰能似貧賤歸應老一丘

酬黃少白留別

西蜀美人黃少白十年湖海近相聞
題橋久自憐司馬覆瓿還誰笑
子雲客至但將琴細弄詩成多在酒
微熏江城幾度同看月愁對秋山又別君

九日戴黃二君携酒登外城樓

九日登高不出城堞樓還與好山平
已教法酒延千歲却勝靈符辟五兵
翠竹沙頭寒水落綠菱洲上暮烟生
令人更望邕南路一片歸帆帶月明

農嶒山同半農秀才戊午秋望

嶒山秋高色未枯絕頂雲開望不孤
三兔網踈深倚窟二鴻矰急迴啣蘆
李蛮險寨千金盡岑濬堅營寸鐵無
可道學宮成野圃宿儒還汝帶經鋤

谷戴總目邊警感懷

危邦那免強封警霸業休猜厄數遭
內甲自多揚鳳箭總州誰分李蛮刀
威旗驛使馳烏府義劍隣兵出虎牢
始信腐儒真可笑一丸閒弄釣魚舠

揚李皆田人

東池罩布邀賞奇石二十韻

愛爾庭前石來從響水遙年看疑外嶽久對儼中條
異境兼真幻奇形罄畫描烟雲豁窅窅日月繫岩堯
捲潤花難謝涵青草耐凋鴈行終日在雪竇幾時消
影帶傳衣塔寒通進履橋鹿龜何用買猿鶴豈須招
脉脉紅光透霏霏紫氣飄水濱留聖釣洞側隱仙樵
苔古蒼如玉篁新翠似瑤櫛根蟠綠字樹抄掛丹瓢
二老揪枰戲三仙藥品燒松懸絕壁頂亭倚半峰腰

選趣詩駢刻搜名景歷標方壺弱浪隔南極一星朝
芾老竒端笏續公廉載船古人情不淺之子興更饒
轉覺東池勝那聞北鄙囂客懷秋易動駐賞忘歸橈
久處田陽辱諸布過訪携遊殆無虛日戲來土
語以就越吟得二十韻遂簡諸布

畱滯田陽成老翁物情人語久相通美欄渾靜常閑
睹惡背孤來每念蒙一僕焚餽聊自給兩餐堆釘未
全窮菜根咀嚼多青秘葺實烹調有綠茸蒼茗苦浮

粵吟和 卷之一 十一
菱皓外果薑甘轉攬烏中送迎跛奉時方著登眺醪
藍日不空堆卧遺安遐可席感遊升險美堪筇譚哀
網罷魚盈盒絡幕羅歸鵲滿籠滌瘦薦新貧貴潔沃
床延舊旅難豐色分葉汁蒸三飯香鬱麻油燂五蟲
盆接高巾皆識漢矯垂素髮盡呼公力芽笑爲教騎
馬曹父勤思學撼龍落落一身飄似鳥巡巡萬事過
如風波羅石髓慙王烈糜米丹砂悵葛洪懷慕屠門
堪適意養朋戎陣敢思功村人刻竹心猶古印主承

家祿未終朋排丫囊遑夜作拿圍力槩競春工勺祥
訓子還書社巽賴傭丁本學宮兩載望鄉儂蹙蹙百
年安土布融融天倫樂事家家足聲教明時萬國同
已未二月予至自朗寧與雅社諸友重集黎子
惟仁南樓憶去招仙館時蓋已八年矣賦此
兼懷瑤石蘭臯二三君北上

八年仙館如相避二月高樓動我思天路奮飛人去
遠泥塗留滯客歸遲艱難四海况多寇邂逅一杯能

幾時與爾同心終不負蓬瀛無盡是交期

荅瑤石李氏惟仁見贈

雲霄蚤譽屈群雄江海窮交託長公季札一言入共
信鄭虔三絕世誰同丹房屢見產芝草緇帙暫教依
桂叢無限相期出塵事好將餘力振玄風

荅林定山喬

厭隨文士競浮名愛學仙人寄遠情往日忽傷拋又
別中宵重喜續長生紫芝豈得留商皓白鹿還應促

衛卿聖主好玄心正坊願聞丹藥輔昇平

荅梁聚霞未聯因述其夢中之事與予所見相

同

少年才調任經綸不願清朝作外臣樂道盡忘兄弟
貴憂時惟恐國家貧高標月映蒼松夜壯思濤翻碧
海春肯信聚霞人化石好同仙洞覓前身

黎君華梁 乃瑤石蘭汀二君之子白泉聚

霞之姪皆竒才也詩來並荅之

不獨黎梁好弟兄翩翩小阮倍多情
竒才總為匡時出麗賦頻看對客成
世俗向誰論父執文章還汝振家聲
別懷怕聽鶯啼切莫更臨河唱渭城

答鄭鶴舒鶴舒與予別後辭廩隱處且務內脩

其志可尚也已

鄭公高人何太清眼底富貴真能輕
息交任遣鶯聲喚簡出惟依鶴跡行
辭廩竟為新處士休糧元係古先生
鑪香碗茗閒清晝垂老還知祝太平

歐大崙潘滋蘭聞予至並舟泛海百里來會曷

以為報於其別申此贈言

雙艇真勞海上来扁舟空羨雪中回
千年永叔驅文體一代安仁騁賦才
折柳豈禁仍別墅飛花不覺滿離杯
青山此去休堅卧嶺嶠蒼生正可哀

答陳霞谷

佳士頻年困棘園古書千種委柴扉
三洲岩畔幾垂釣五穗城頭時振衣
念我屢將簪遠盍期君端擬劍

高飛平生浪迹能無笑萬里看山又獨歸

答黃天巖兼懷水簾赴禮部試

昔去別墅意慘淡邇來合席情流連極知公子久敬
客堪笑老夫猶學仙江夏黃香真畏後燕山丹桂敢
居前遙遙日下傳臚近想見彈冠惹御烟

雲川鄧子以詩畫見贈率爾奉答

鄧君不見已多年玩世誰知隱北廬數向詩篇留琬
琰畫教圖畫括山川閉門靜裏行孤志掃石閒邊坐

歸時謾思入海求仙藥萬歲君王已茹芝

答蘇源山時寓玄芝仙館

仙館茲辰恰訪君新詩便得慰同群一年人住留清
氣三月芝生散紫氛拙客尚憐猶望治高才謾倚不
求聞別離蚤晚庾關度目斷番山隔暮雲

答潘滋蘭上舍其先自吾閩瓜山移居順德

爾家儒系出閩藩桑梓新追此地歡富比五仙皆握
穗清移九畹畫滋蘭隨山瓜瓞天應篤繞縣桃花世

定看枉沐名篇盈篋笥愧無佳句報琅玕

荅梁五游

運昌非是變名秋五噫何能勝五游
衡華嵩常狐劍割江淮河漢一杯收
碧霞祠下朝群帝黃峴峯前失九州
踪跡半生曾及此幾時從爾續雲遊

咏滋蘭贈潘少承

伊人抱高潔獨與蘭相知衆草豈同類
一花真自竒祇承清露浥寧畏朔風吹
試看腰間佩黃金徒爾為

冷禪可道故侯曾好事雲臺徒取世人憐

荅陳見亭

把君詩筵對春風十載交情滿篋中
仕路有時隨蚤暮客心無處任西東
山中小草懷人綠苑上名花待士紅
同學後先俱貴達甘泉定有薦楊雄

荅鄺雲林壽朋是鶴舒之子

四海通家賢父子一時忘世薄簪纓
琴尊老去無餘物書畫年來有盛名
隱几每朝聞鶴和趨庭常夜候

雞鳴旁入檢點空相比捷徑移文豈素情

梁三橋留酌因懷其厥翁浮山中翰

正愁翰伯論心遠忽喜郎君識面真麟角鳳毛天上
種木瓢藤笠海邊身花繁相苑筵張錦浪暗官池棹
撥銀聞道銜樓成五鳳定知啣詔出楓宸

答大崙歐子

雅社尋常見好詩不須傾蓋慰深知珊瑚脫落無花
葉松栢纏綿有蔓絲芳草遽陳行樂跡暮雲偏近送

留別雅社諸君

予也久塵沙思君泛海槎來將比乘興到却忘還家
志豈詞章合情堪歲月加白頭重把袂風日亂飛花
承諸君餞送海珠寺席上有作

海寺花時曾並看別筵春暮復憑闌潮聲兩岸艇堪
放風色滿亭衣任寒青鬢有才終拾紫白頭無術只
還丹垂楊細雨千山外興逐鷗群下碧湍

遊飛來寺一首

丹成拔宅向誰論
峽寺飛來尚爾存
福地自然留日月
仙家合下轉乾坤
山頭龍氣全非雨
洞裏人聲半是猿
安得即時逢帝子
永隨笙鶴覲天門

三水縣

三水縣前波浪平
路難西上逐人行
山谿條爾添愁目
寇盜公然半募兵
青草日蒸煙瘴氣
幽林風急鷓鴣聲
辛勤直為消塵劫
不是窮途覓友生

韶州阻水奉懷豹谷先生

韶陽半月雨滂沱
兩岸天連水太多
孤塔絕憐移砥柱
曲江真訝變黃河
當年榻愧迎徐下
回首舡堪訪戴過
寂寞遠心難慰藉
菰蒲煙外起漁歌

韶州延祥寺贈應珎僧官

昔年方丈借高眠
累日泥塗興灑然
爐栢瓶花香不住
鼎茶杯酒味全兼
恩從頂貴加官好
道在身貧補衲便
謔浪不拘知有意
破除名相見真禪

芙蓉菴道童性安十數歲時慧捷可愛向從韶

守豹谷公識之予此來安冒雨出訪江澚閔
其貧予無以了道勗以此詩庶幾傳諸好事
芙蓉峰頂古仙壇曾見兒曹識性安過客此身仍白
髮成人今爾亦黃冠喜從江畔論心苦好爲山中住
歲寒枵腹自來堪了道識將松實細加餐

答贈武夷任子

掃除浮世風塵擾消受名山日月閒伴鶴共脩真性
命茹芝重補好容顏黃心祇合長留壑紫氣何須更
度關悵望故園方苦亂賴君招隱不思還

壽虞少溪四十

年華歷歷臨強仕才氣翩翩邁隱流南極朗星聯下
界東山恒月近中秋生來逸性松間鶴看到浮名水
面鷗前度曾孫君却是玉漿仍見宴峰頭

壽彭春溪六十

六十今夜是千秋未有涯身全彭祖相書半鄴侯家
几席盈芝草斑斕繞桂花年年武夷曲鶴吹送流霞

有懷王九曲

武夷蘿月淨娟娟
久客重過繫舸舡
半世論交非偶
爾十年求道尚茫然
分無長劍堪除寇
準向名山學
種田卜築却勞爲
地主不妨鷄犬未昇平

贈徐東峰

蓬萊徐福不肯住
却愛瀟灑遊塵寰
長鬢喜照幽澗
水短屐慣踏懸厓
山屋倚東峰雲信縛
門開西日鶴
知還平生無數安閒
夢多在清泉白石間

青泉草堂歌贈程貢士赴禮部

憶昔我登大王峰
最劣窮倚天獨立
盪精魄嗟哉矣
乎下土一杯何太窄
漫漫塵沙將焉適
手揮烟雲使
開闢太陽垂光耀
丹碧然後千巖萬壑
森如竹筴不
得逃可以數而摘之
供酒席廼有東南隅
蜿蜒盤礴
峯嶺者對面怡怡
逞顏色有若長虹背
上戴巨靈持
斧向前將一劈
列岫不敢抗東西
相辟易人言此乃
青泉之山大王之匹
吾不知其核地幾千
尺但見氣

集迴不同燁燁晶光莽相射千年靈境誰賞心一代
高才當發跡借問山中之人為阿誰云是霞峰程君
之家姪早依青壁架草堂自刈白茅藉墳籍山靈慶
才非一夕曾假以倬漢之精凌雲之氣五色文章貫
星日時難未遇真相知及令麒麟下地藏巖穴鳳凰
抱饑思竹實只今獻策黃金闕舍爾草堂而去北溯
燕雲南探吳越盡將積學揚王庭直言不避威鉄鉞
初衣從此辭薜荔鉛槧一朝代簪笏榮光休彩馳林
樾將使茲山靈勝與武夷兮爭高書院草堂兩突兀
歸來乎歸來乎山中千古弄明月

贈彭竹坡

七賢六逸人俱遠竹下清風祇自知今我欲從龍共
蟄對君寧待鳳來儀埃塵蔽俗應驅逐柯葉經寒不
改移擬乞一竿江海上百年長繫釣魚絲

贈虞南溪

邂逅與君從宿昔過逢無地不留連良工未肯甘為

盡活計真知欲作仙擬卜小菴先種竹免求齊食旋
開田相親更有西林老歲晚看同枕石眠

真陽草堂

伊人自卜塵中隱百丈清溪瞰草堂盡使烟波涵枕
席不將塵土上衣裳頻年作畫惟供酒竟日遊山不
裹糧更說前洲倍幽寂萬竿脩竹一丹房

贈授延平衛使次河范君

萬里飛騰一俊英暫承恩例立功名豈愁塞外塵

倉廩却喜月中富甲兵幾省野狐妖出沒十年番鬼
寇縱橫憑君拂拭雌雄劍滿慰吾衰望太平

吳鳴石留酌語及予舊栖止止菴因贈

山人避寇經時久地主留賓竟日淹未道醉鄉逃麩
蘖暫知塵市混魚鹽水聲暗抱雲流榻山色明隨花
入簾剩有幽懷向予說舊菴將為理茅簷

與蔡西林久別而會賦此

別去每懷千里外歸來重話十年前巾鞵尚發溪山

興衣食聊牽兒女緣陶令既貧猶失火白公自小便
餐烟仙家儘有閒生理好辨清心鍊永鉛

題鍾欽禮雪山畫障

會稽鍾生性狂縱善畫耻為豪貴用氣格玉川偶符
合蒼潤宗儒堪伯仲良工同時徵錦衣生獨掉頭入
酒甕名妓一語綃即塗勢人累月筆不動雖然官長
嗔擯斥自是人品惡趨奉虞兄何從得此畫云是識
者早贈送蛟龍盤擎萬木枯瓊瑤堆塚群山凍葉舟

誰子興續王木桶伊人志存宋我來看畫當六月寒
威逼衣失炎棟雪花似覺面欲撲巴陵恍來川將壅
鍾生在時雪山輕鍾生去後雪山重在時人品疾排
抵去後丹青羨肯祭若將人品定畫價千金難買鍾
欽禮

夜坐有懷聶實夫外交

白首成仙亦不遲金丹難與子孫知懷君此夜惟清
坐脩竹山窓月上時

玉橋朱兄別去數十年忽自武夷見訪於少溪
魚閣予方避寇而朱復為五岳之遊有詩見
贈因借江泉坡酒筵少叙平昔遂成此答

解纜亦云早采真猶恨遲仙風五岳動詩法衆人推
訪舊臨魚閣居貧借酒卮亂離無日定悽惻別心知

壽吳老六十

吳翁想亦暮還丹漆髮朱顏世共看甲子任教年欲
換庚申惟守夜將殘看花與客開蘭室選竹呼兒補

藥欄愛日况逢冬更好堆盤松實足加餐

贈蒸松雲

泥塗愧我猶羈旅幽興憐君若澗阿竹榻每懸松月
淨藥囊偏貯水雲多長生有訣餐芝草短服無儀葺
芟荷有日却成真隱去盡將身世付烟波

贈畫師建安姚君子清

姚君俗事一不著却歛多能入畫圖長松根見生千
歲扁舟手招來五湖大塗小林態俱盡高掛徐看格

身以和
卷之一
四
每殊我聞古畫師多酒徒得君今日一醉須百壺百
壺倒盡眼模糊笑視世人如蛆由來畫精酒有
力所以能播弄萬物兮惟所適天機混融無俗迹雷
電白晝將下馭世人豈得長玩惜姚君姚君之畫學
古誰復過一幅可值萬金多我知言輕人不信不信
請君細讀墨仙歌

席上贈范醉菴

君不貪杯常慕醉醉鄉深處物忘形由來麴蘖吾家

作肯向尊前說獨醒

留別春溪

旅館秋淒淒却過彭春溪談清吐山水氣壯吞虹蜺
七絃魚每出一榻鶴同栖舍爾竟歸去烏山多鼓鼙
予居方一十六年矣己未八月歸展先壠因為
卧芝亡弟襄事山中悼感有述

一身長往任天涯八月初歸仗漢槎丘壠有岡堪葬
弟干戈無地可移家牽情定取留侯笑觸事徒與介

子嗟滿眼松楸將別去他山懸望舊烟霞

檢書一首

又出由來懷好音暫歸那敢負初心雖貧一榻能高
卧縱老名山欲遠尋芝草不辭生舊徑鶴群猶為住
疎林如何鍊石人長別點檢烟書紙自吟

觀我齋志喜

緣郊兵火苦難論背郭茅齋喜僅存願見昇平度時
日敢言貧病在立園拙妻老去惟傍女猶子年來將

抱孫萬事一生應守舊交遊斷絕閉柴門

越山遣目

閩州偃武久偏安倭寇頻年動不還主將全憑鳥嘴
銳客兵遙避豹頭山擾雲肯信如胡羯防海何因比
漢關一上越峰愁極目滿城鼙鼓幾時閒

平遠臺尋竒梅房不得

山下陰雲鬱不開城邊枯骨亂成堆防倭遠入紅鞋
舶料敵新連白石臺官府幾時看破竹僧房何處覓

竒梅臨高忽欲雙流涕北嶺風烟日夕催倭奴小舡名綉鞋

王仲旭挽詩

父從方外惜離群乍返山中忍哭君絕壁夢牽同採藥高臺心折自看雲携筇想見尋龍興吹笛思招控鶴魂福時子安才袞袞定應先業振河汾

庚申元日立春同雙石山人大笠和尚集凌霄

臺絕頂

元日立春稀再見高臺侵曙迥先登椒觴對酌青絲

菜草屨同行大笠僧寇退村墟存綠樹兵屯亭榭沒蒼藤堪言度世艱危甚轉欲移家感慨增

過一山王兄留酌

江湖別去悵無津思女歸來幸有親已見殺鷄非奉客預知賣犬不嫌人一春興少黃塵暗幾夜愁多白髮新便擬鬻書行問舍村居還倚結朱陳

因贈幼明

甲辰春仲予遠遊遙憐汝生當季秋玩珠昔慰衍重

慶對玉今遣銷窮愁一門文采信獨負三峽詞源真
倒流可笑侯高隱何爲嫁女必向官人求

送馬紹陽北赴曹監是大理卿子

老賤歸鄉里艱危別友生民窮寇未退春盡客猶行
入監長裾肅趨庭遠旆輕因聲寄大理四海望持平
贈侯尹遽齋陳公

一方歸氣數萬姓屬彫殘不有歌陳父何因說晉安
燕巢堂旋集雉隴麥重繁老我飄零在全生得釣竿

四月三日紀事

中丞逐寇遠臨戎馬上能開兩石弓遂使國威揚閩
外不教民力困城中浮人計日仍安土怯卒乘時亦
向風怕說亂離前歲事四郊烽火接天紅

野舟一絕句

十尺青松剗作舟百年無恙在中流惟應博望槎堪
擬時向銀河看女牛

五日城西樓二首

五月五日城西樓黯黯風烟湖水頭不柰沉湘千古
恨况增猾夏數年愁採蓮聲裏半苦調拱木陰中多
貴游賴得一生獨醒在未湏杯酒對龍舟

其二

城中虎旅昨朝出湖上龍舟此日看短短秣田乘夏
長綿綿梅雨迫春寒蒲觴祇覺遊人減蓐食空憐戰
士難側望太平終有象天戈直爲禱樓蘭

寄荅江泉坡

東菴杯榼憶相親一別悠悠行路塵遊興已非前度
客交情曾是壯年人重華 聖主攘夷急雜種黥奴
入寇頻安得草堂移傍汝溪光清映白綸巾

此事八首已未歲予自兩粵歸閩作

西來噉喇烏斯藏此事真傳永樂年豈爲金人能證
果且令鐵馬省防邊黑山紫海收膜外白象青獅移
眼前謾說島夷無佛性慈航曾度彼迷川

其二

老聃冉冉度流沙大道何緣向狹邪身世猶龍終變
化衆生如幻一咨嗟仁恩自信為芻狗道德誰知亦
土宜南越北胡飯教父萬年長是戴中華

其三

側想周流如素王直看徧覆似青天居夷事近殷箕
子浮海心非魯仲連祇謂聖言將有託豈知王道本
無偏今逢一統尊崇盛誰對南倭獨涕漣

其四

憶向隱碑尋往事却知三寶下西洋舡經久識星俱
側尺數初看海亦量報使九重恩特厚馭夷千古意
偏長可憐運極人難曉滿地鯨鯢恣跋揚

其五

五湖江左避衣冠閩邑猶傳作晉安古往今來翻一
變東奔西竄益多難寇環草市關常閉兵潰桑寮血
未乾倘遂外洋堅五寨預看內帑實三韓桑寮謂麻
陽調兵三
韓近於倭奴

其六

當年徐福託求仙男女依依不自憐
剽掠此時歸日本流離無數哭天邊
停雲絕望鳥山石橫海空思馬
盤舡若道變夷須用夏傷心還得慰
顛連徐福立國亦與倭近

其七

異事今年到處逢七閩兩粵太驚儂
一枝繁實攢桃李三月濃花鬪菊蓉
城市翼猴飛似虎海村殼豕蛻
如龍咎徵瑞應從誰問悵望青天千萬重
兩廣候精能飛而侵

人人謂之飛虎豕能蛻殼於海邊在福清江陰里

其八

甘露幾人曾入口我生三度荷天憐
色滋玉粒傾仙廩味溢瓊漿捧御筵
松柏此方沾敬老竹箒它日注
尊賢自慙衰劣貪饗夕未效涓埃補報專
已丑丁酉予得於顛州漳泉已未冬降於敝邑蓋三食之矣

次陳雙山兄新成別墅以詩見招

栢臺薇省何心恋別墅青山帶九仙
獨坐石床常了

道相親漁父漸知禪傍河薄種供糞粥度嶺虛遊借
網舡自顧此身非法侶綠池慚愧爲栽蓮

贈王吉安漱汀

見君作郡在螺川仕路焉知竟不遷
松爲高才難世合獨留循吏與人傳
盈虛义用堯夫數清静元探老氏玄
故國歸來問何事種園栽竹日疏泉

答劉少麓見贈

早從桑梓常高會一落江湖遂义分
乍見清標全類

鶴細聽公論少如君辭官萬里因黃菊
卜宅千峰近白雲自愴還家尚離亂
閉門猶覺似離羣

夏日過王龍江務閒亭留飲

務閒亭上日真長把酒看君亦可傷
作縣無如少潘岳爲郎其柰老馮唐
藤蘿一徑城陰僻枕簟三時竹氣涼
白首好文誰得似等閒抽筆賦長揚

馬瀆江舟次聞李補山廣文服除赴選就試禮
闈率爾贈別

江雨維舟嘆路岐聞君北上思淒其鄭虔官冷人曾
笑李白才高主竟知黃甲又看仙是謫青年誰道鬢
如絲幸論夙誼通歡會肯惜徽音慰別離

九日有懷王雲竹叅伯

不容黃閣枉儲才遷轉重教歷外臺詩並長卿追正
始疏如溫造避奸回明農已命牛車返好道應招鶴
馭來今日東籬知獨醒無錢從對菊花開

江雨在陽岐舟中

白雨冥冥來不休青楓長日繫扁舟怒潮挾潦沒馬
面亂石驅雲埋虎頭荆棘數家邠卒歲蒿萊遍野尚
徵秋誰能身世都無累閒倚仙人十二樓

與王幼山集隣零臺

烏石高臺舊時路多年與子復携行亭前竒樹將欲
老山下閒雲猶自生水勢易隨沙岸改風聲難使海
波平郊原亂後堪愁目斜日荆榛映冶城

送石槐岡赴南安觀其故人夏令新城夏先任

身以和
卷之一
延平
崇墉云是哲人成覽勝看君此日行谷口垂楊鶯盡
出山頭殘壘草初生驪駒再唱拚分別龍劍雙飛遂
合并遙想敵臺吟望處桑麻滿地慰昇平

三月十九日市驚是夜王約齋見過談及兵變
出門拔劍苦避寇入室操戈愁聚兵隱禍却疑天未
悔發機無恠市先驚鯨鯢縱豎何由戮虎豹當閔莫
敢櫻世事豈堪捫虱話窮廬相對一燈明

遊長樂新城報寇至鎮下感時懷舊簡竹莊諸
君

島夷山寇巧相依每歲還巢此路歸一蒂鎮門宵徑
渡雙刀城堞盡空揮追奔未道兵家忌遇亂方知世
事非愁至嗒然惟有睡况當衰老故交稀

戲為俳體紀倭患

倭衆驍稱趕萬人漳魁重購破千緡分財豈顧尊中
國效死真能捨一身糖著飯板殮似獸月為雲裹陣

如輪十年亂極民間慘何日天回愍下仁

送陳一水北上春官

洙

萬人場屋獨超羣年少成名衆所聞
騏驥足輕千里路鷗鵬身負九天雲
通家久信稱才子報國遙看侍聖君
經畧平生有餘志不知何以息埃氛

贈永安余真陽虛

少小遊方老大旋閉門貪卧倦談玄
豈無道書千百卷擲置床頭如破錢
自知不濟惟守分不儒不佛亦

不仙好道聞君方妙年飄飄一意窮山川
常向真陽自作用此竅云有高人傳我亦
記得夢中言真陽來自洪濛前固知是火
亦是藥二者爲真誰細研陰陽之氣無不
真識真眼底幾何人異時若陟蓬山頂試
問軒皇鍊藥臣

仙人王子晉篇壽謝于谷

仙人王子晉可望不可攀胡爲乎千秋
遯形不可得一朝落在畫圖間世人不識
仙者衆倏聞子晉名爭

欲快觀之舒心顏誰其畫者近代張平山嵩高洛陽
遠道艱致得此幅因神品况云畫仙即真有靈氣默
增人壽非等閒謝君對畫鋪壽筵子晉飄飄真在前
誰言未相識雖未相識却相憐不然何以俯鶴背低
雲烟玉霄下視八萬四千里車輪雙翅來盤旋抱持
玉笙不一度妙曲鳳凰聲隱穴寥天滿堂猶有七種
紫氣來無邊依稀繚繞蒙密玉樹瓊枝顛蒼松翠石
不覺垂垂然吐甘露大兒小兒持觴挹取獻之惟恐

不在先乃知平山善畫不獨詣神品得者玩賞亦可
延長年仙人妙用能無窮在世有畫神氣流行本如
許世人按圖置分別遂令實事淪空虛看君劍佩雙
蒼龍雲霄意氣邁群雄多年遵晦在于谷谷中曾遇
何氏九仙翁功名富貴一唾手而可得轉盼便入蓬
萊宮壽筵正值三秋中謝庭高占嵩山東仙人爾攀
王子晉道士我愧浮丘公願言年年對畫如在緱山
頂吹玉笙酌金液舞白鶴兮歌青童不須揮手謝賓

客七月七日與君大笑長相逢

為高肖澗謝梅谷倪子

高郎曾抱病賴爾得更生道術非同衆儒醫已著名
伴梅深谷隱採木遠山行回首芹宮日何如藥籠情
一笑亭次雙山來韻

一笑亭成傍故山覺來風物似山間短簷不碍浮雲
宿嘉樹能招倦鳥還滿徑蓬蒿稀闕穢數年簪組暫
投閒猶聞學道心長切鶴背龍髯定可攀

荅鄭玉泉還延平

一別蒼梧十五年重逢此地意仙已將身世為時
用更有詩篇與衆傳家對亂山金作谷窓臨絕澗玉
為泉還聞拾得延平劍萬里持携淨塞煙

林尚竹輓詩

隱翁負逸氣全似竹林人厭世亦云久高標尚若新
樹風吹不斷梁月色非真欲識精神在森森子姓身
送王甥茂觀杭遊便寄童南衡兄長

長吟和
卷之一
五七
衰年甥舅更誰親送爾南遊實愴神謾訝挾書忘母
老祗緣彈鋏爲家貧道旁杖杜紅隨馬山上蘼蕪綠
向人憑語故交吾老在亂離多歲怯逢春

寄懷南衡

憶在蒼梧望白門喜聞遷守向清源他山寂寂自相
傍身事實實誰共論弟姪苦辛承遠庇詩篇零落託
長存于今白髮歸來倦未擬相從鍊地元

劉子望洋書至報在洪州

獨將仙舸泛洪州歲裏傳書喜勝遊閣上滕王山盡
入亭前徐孺水長留千重洞壑分梅嶺萬里帆檣會
寥洲謾爲西湖動歸興王門賓客待應劉

贈余樵雲

赤斧曾持上碧霄紫雲深處作仙樵多番桂殿收金
粟幾度花宮聽玉簫一片野心無掛碍百年閒計任
飄飄如今四遠求梁棟好選奇材荅 聖朝
送高子載偕理問李君遊縉雲乃軒皇上升之

所遺跡存焉

秋雨不洗干戈塵臨岐念爾別交親功名壯歲尚未
達懷抱遠道難具陳鷓鴣已借扶搖便鷓鴣寧辭來
去辛軒皇入夢倘清問請誅蚩尤安萬民

烏石秋日送別謝子

相識那期在白頭一尊還對萬峰秋玉京此去雖多
路一夕看君駕赤虬

八日陪雙山石洲雲竹雙臺諸鄉貴隣睿臺登

高

遠海頻年事可傷高臺此日興堪長洛中有社名公
得方外無家令節忘躋險祇憑携竹杖消灾那試佩
更囊亦知舊賞明朝是且對千峰醉夕陽

此身

少小遊方老大回此身雖在實堪哀郊原亂後飛燐
火村落年來變劫灰起陸龍蛇元不定處堂燕雀竟
須猜從今却悔還鄉早經世無能只鑿坏

贈姜斷事是前郡別駕娛溪公之子

伊昔見公子交期及野人才高堪世變道在任官貧
頭白情依舊身閒興益真祗愁霄漢去揚粵間音塵
贈立斷事鯤溟

君似北溪鯢飛揚勢孰論碧霄六月息蒼水一朝翻
暫爾栖潢沼終須遠鷺鷥蹇予戢翼者其老在丘樊
壽姚竹

建州城北隱翁家蘿逕松門隔狹斜因抱兒孫喜栽
竹擬除葷酒習餐霞七旬巖壑常携客十月林園尚
放花初度又看逢此日焚香端坐諷蓮華

荅贈陳月川

才華藉藉邁多士鄉黨恂恂避盛名紫髯白面人願
識威鳳文鷁天遣鳴依劉李密情更苦奉母茅容心
最誠樵川往事可憐爾避寇盡室間關行

郭子海岳詩來因贈

春盡江城飛落花美人何處贈瑤華代公寶劍初衝

匣魏國明珠父照車未信雋才羈海岳自堪衰病委
烟霞干戈滿地將同避惟待迢迢銀漢槎

奉送大中丞帶川劉公還朝

除書忽報代專征開府幡然喜釋兵高掛賜弓雙臂
健緩乘歸馬一身輕朔方不久徵充國蜀道應多仗
孔明無限冰心在霄漢餘光願更借山城

山居答謝諸相知

厭說神仙向外尋得歸城郭悵雲林身緣枯坐輕於

蠟髮類窮愁白似心半窓隔樹窺山色三徑比隣借
竹陰祇是閉門遭客罵采芝無以候蛩音

壬戌人日

去年元旦日有食地震今年還可疑默默咎徵連此
際冥冥氛浸極何時人日又逢迎節鉞福星重見照
瘡痍軍儲國計何由足寂寞空思守四夷

二月七日紀變感贈司徒鍾陽馬公叅伯雙山

陳公

衛兵那擬復猖狂白日黃沙滿教場又信一言同季
布果看單騎又汾陽廬灰暈缺城頭月杯酒寒消帳
下霜誰道當年兩先達芳祠崇報獨輝光

正德戊寅
三衛兵亂

鄉中丞南澗林公廷王憲副公文達出而靖之
今祠於城南曰崇報

再贈鍾陽公

司徒高官人所求我公視之如浮雲乞身綠野斲靈
藥買地青山營樂立鼓譟三公片言定縱橫群恣今
年收功名出處有如此愧說少小曾交遊

再贈雙山公一首

紫髯白面最超群領勅分符屢建勲卧轍幾回遶百
姓操戈一笑解三軍身依壽母官曾說名在丹臺俗
豈聞欲識閒情何所寄朱絃石上酒微醺

漫書遣懷

祭神鍊藥竟無成白首歸來判此生巷隱桂枝堪偃
息家存土窟省經營遊僧喜共忘形迹過客慚多問
姓名猶仗故交相信父不將筋力責逢迎

寄贈高龍澗 孝忠

廣文官舍好况道是巴東山色九疑雨江聲三峽風
大才歸衆譽薄祿隱孤忠寇盜吾焉往因思楚岸楓
陪雙山雲竹二公遊萬靈和尚羅漢園小坐并

解赤脚之嘲

紫薇郎覓真乘路烏石山廻淨土菴禪坐共輕羅漢
果况持偏愛母馱喃安車竟日逍遙足齋飯隨緣淡
薄甘談笑此生長赤脚給園曾亦是瞿曇

肖澗省親武寧賦此送別

契誼曾三世遊從又數年美才聞上國麗藻掩前賢
即舉寧親旆須浮乘輿舡趨庭知問訊濱海尚風烟

偶成

一孤真身久自知千年無柰下須彌孤單幾度拋妻
子提挈多番累父師罷鍊九池人已信懶磨三劍鬼
還疑祇因歸取來時路稽首虛皇白玉墀

奉次雙山團瓢和尚之作

老僧安鉢向烏山大笠團瓢相伴閒祇覺俗塵都不
染焉知時事尚多艱書符樹葉曾療病護法沙明亦
坐關為喜宦成陳長者頻來吟咏不思還

贈李沙洲

釣臺山下橋水頭早看沙合吐滄洲深根不畏蛟龍
撼遠勢堪承江海流芳草雜花春自媚泊鷗栖鷺晚
偏幽知君未廢烟霞興十尺綸竿上釣舟

壽徽邑江雲崖母七十

歲晏興歸思烟江返桂橈行看愛日近知慰望雲遙
綺席呈千品金丹注滿瓢始誇西母樂遍地盡瓊瑤

贈馬水甫

多年連比屋高誼過通家樓迥常分月墻低不隔花
客來賒舊醞睡起倒新茶縱有干戈警相將老歲華

送吳定泉郡公遷蜀兵備

文翁能化俗諸葛善行兵惟我三山守兼馳二老名
兵符此日握蜀道即時平浣水雲邊繞巴山雪外清

三春催使節萬里柰輿情祇戀甘棠樹千花照眼明

贈陳見南

詩書端坐有餘閒竹裏柴門只自閑欲得眼中何所見朝雲終日侍南山

贈葛竹溪

清溪流水碧於苔脩竹千叢拂上台知爾欲將滄海去等閒一釣六鰲回

四山別去沙陽張然賦此

天末涼風吹旆旌傷心悵別若爲情閩山累歲愁侵寇劍浦經時苦叛兵白舸遠隨秋水淨黃塵高與暮雲平銷憂惟有明年日仙樂聽君賦鹿鳴

送鍾醫士杏泉遊蜀

裹藥多年住越峰拂衣今日向臨邛泉邊種杏名猶奉火裏栽蓮姓又鍾古嶺漸看春樹遠劍門遙想暮雲重別離益自悲身世海上時常報夕烽

送周檢校遷王府

閩蜀山川萬里餘
遷官此去意何如
風塵到處難安穩
惟有王門可曳裾

送連江莫廣文遷連城

一生直節挺琅玕
數載風聲滿杏壇
今日幸將時雨去
連城白壁世同看

贈鄭玉泉移居

卜築來深巷
元非避世紛
祇因安老母
方敢事明君
嶽色近相映
花香遠更薰
比隣不用買
冠蓋揔斯

文

贈陳虛谷

中歲移家自董峰
烏山還對一株松
窓含花竹心常靜
架滿圖書手自傭
適意酒杯非取醉
隨緣世味肯求濃
親知似我真狂士
夜半相尋月下筇

贈邵醫士嵩泉

邵平孫子在採藥
遇長桑總說能醫病
應知不執方戶庭
常滿屨几席盡生香
惠澤將何比
泉流赴海長

送宋遂居往延平文館

論交勢利外，悵別亂離間。
谿水難三峽，風帆輕萬山。
道將紫陽重心與，白雲閒應計培菴。
李相看結實，還春雨宋遂居過別延平之行并感時事再賦此

贈

風雨門深閉，梨花在隔林。
抱琴來宋玉，覓劍向延津。
才本千篇富，家非八口貧。
亂離思遠避，別去益愁人。

贈閩邑傅袁洪山公

劍縣推名士，榕庠得老師。
直將身任道，寧尚口為辭。
滄海風皆動，菁莪雨倍滋。
三鱣元有兆，安久擁臯比。

贈初田陳子

捌斗才華三絕盡，江田似爾更鍾靈。
書齋且寄城南曲，烏石年來覺又青。

贈初田之王華山

未爲金馬客，暫向玉華山。
石洞將逢骸，瑤琴漫操蘭。
兵戈空老在，劍佩莫遲還。
此去論文少，春風只閉關。

